

歸化城廳志

卷十四至十五

六

歸化城廳志卷之十五

兵防

兵可百年不用不可一日不備書曰有備無患至哉言乎歸化地居邊塞大青山後草賊時虞竊發非重兵無以鎮之我朝自乾隆初移右衛將軍駐防於此而綠營練軍捕盜營相繼迭興綦布星羅防維可謂備矣然承平日久不免怠惰潛生當路遂有減兵練軍之議竊思昔李光弼入郭汾陽之軍號令一施士卒旌旗堡壘精彩皆變夫非猶是披甲持戟之士乎亦在用兵者之得其人耳至歷代邊防用兵謹載入武事以備參考志兵防



綏遠城將軍一人 乾隆二年由右衛移駐定制每三百人設佐領一人五佐領設參領一人五參領設都統一人

副都統二人 順治十七年定八旗漢字官名固山額真為都統梅勒章京為副都統甲喇章京為參領牛系章京為佐領按班章京為總管康統元年改稱將軍又雍正元年改固山額真為固山按班

歸化城副都統一人

滿洲協領兼佐領四人

管理右翼鑲黃正白二旗滿洲協領兼管鑲白旗滿洲佐領一人 管理左翼鑲白正藍二旗滿洲協領兼管正黃旗滿洲佐領一人 管理右翼正黃正紅二旗滿洲協領兼管鑲藍旗滿洲佐領一人 管理右翼鑲紅鑲藍二旗滿洲協領兼管鑲白旗蒙古佐領一人

蒙古協領兼佐領一人

管理左右兩翼蒙古協領 兼管正白旗滿洲佐領

滿洲佐領十二人

左翼鑲黃旗二人 正白旗一人 鑲白旗一人 正藍旗二人  
右翼正黃旗一人 正紅旗二人 鑲紅旗一人

鑲藍旗一人

蒙古佐領四人

左翼鑲黃旗一人 右翼正黃旗一人  
右翼鑲紅旗一人 其一人歸協領兼管

滿洲防禦十六人

左翼鑲黃旗二人 正白旗二人 鑲白旗二人 正藍旗二人  
右翼正黃旗二人 正紅旗二人 鑲紅旗二人  
鑲藍旗二人

蒙古防禦四人

左翼鑲黃旗一人 鑲白旗一人  
右翼正黃旗一人 鑲紅旗一人

滿洲驍騎校十六人

左翼鑲黃旗二人

正黃旗二人

鑲白旗二人

正藍旗

二人

右翼正黃旗二人

正紅旗二人

鑲紅旗二人

鑲藍旗

二人

蒙古驍騎校四人

左翼鑲黃旗一人

鑲白旗一人

右翼正黃旗一人

鑲紅旗一人

隨印筆帖式三人

滿洲二人  
蒙古一人

世職無定員

兵丁三千三百八名

領催八十名  
七百二十名

前鋒二百名  
步甲七百名

馬甲一千  
養育兵六

百名 隨  
甲八名

官例馬三百九十二匹

兵馬四千二十四匹

歲支俸糧米折馬乾銀二十二萬二千四百一十七兩二錢

四分二厘本色米二萬六千六百五十五石

每石一名種地  
一項官弁遞增

每春秋二季派撥名一千名操演為操演營  
每月給銀一兩五錢由土默特庫支發

通考乾隆二年設綏遠城駐防將軍一人副都統二人滿洲協

領八人佐領防禦驍騎校各十九人蒙古協領二人佐領防禦

驍騎校各八人漢軍協領二人佐領防禦驍騎校各八人滿洲

蒙古漢軍兵三千九百名撥出征効力之在京八旗開戶兵二

千四百名熱河駐防漢軍一千名右衛駐防內議裁未盡之蒙

古兵五百名以充其額內委署前鋒校十六人前鋒一百八十

四名領催一百四十名驍騎三千五百六十名箭匠鐵匠五十

四名六年撥右衛駐防滿洲下五旗佐領防禦驍騎校各四人  
改駐綏遠城十二年裁駐防蒙古佐領防禦驍騎校各四人漢  
軍協領一人佐領防禦驍騎校各四人改撥八旗開戶兵二千  
四百名於直隸山西二省補綠旗營由京城撥滿洲兵一千二  
百名復選駐防餘丁五百名充補兵額共八旗滿洲蒙古兵三  
千三百名內委前鋒校十六人前鋒一百八十四名領催一百  
二十八名驍騎二千八百七十二名箭匠鐵匠各二十八名二  
十五年改駐防兵額設黃軍四百名養育兵四百名實存領催  
驍騎二千四百名二十六年裁歸化城都統一人並裁綏遠城  
副都統一人二十八年復裁歸化城都統一人令土默特二旗

歸綏遠城將軍兼轄惟設副都統二人一駐綏遠城一駐歸化

城身止留歸化城一人

土默特二旗左右翼都統原以部長世襲後定為由京簡用惟給本部人世襲

職銜隨同辦事至是並裁去都統職務 二十九年裁駐防漢軍

協領佐領防禦驍騎校各員及漢軍兵二千一百十七名悉全出

旗分撥直隸山西二省改補綠旗營實設滿洲蒙古兵二千

名三十年裁滿兵佐領防禦驍騎校各八人

會典三十年以右衛裁汰未盡之餘

兵及本處閑散丁內挑補兵九百一十七名合原存兵一千八十三名為二千內分領催前鋒馬甲一千五百名步兵養育

兵名二百五十名 三十五年裁協領四人佐領四人蒙古協領

一人箭匠鐵匠各二十名增馬步兵七百名

馬甲五百名步兵一百五十名養育

兵五十名



會典載天聰九年以貝勒駐守歸化城

又載崇德元年歸化城編為二旗設左右翼都統各一人

又載康熙三十三年歸化城土默特兩旗增設副都統二人

又載乾隆三十一年以綏遠城將軍兼管右衛歸化城事務

又載乾隆三十五年 諭嗣後歸化城副都統管理綏遠城

### 滿兵事務

營冊乾隆六十年改原設養育民為黃甲三百名又添設養育兵三百名嘉慶十二年復添設養育兵三百名

協領五人佐領二十人每協領管領佐領四處佐領遇有事務呈明協領轉呈將軍副都統辦理其協領俱有關防以上各

員由將軍副都統於應升人員內揀選擬定正副各一人送部  
咨旗引 見補授一員其餘一員若奉 旨記名者遇有  
缺出奏請坐補

將軍署內有摺房印房辦理摺奏印務事件派協領佐領等兼  
理無專員筆帖式隸焉

綏遠城有左右二司設翼長二員各頒給關防由協領內挑選  
咨報兵部左司管理操演兵丁命盜鬥毆賭博案件右司管理  
兵丁錢糧戶婚田土做地案件均呈明將軍副都統

防禦二十人驍騎校二十人均由旗兵內揀選送部咨旗引

見補授與協領同其餘一員若奉 旨記名者遇有缺出

即行坐補

筆帖式三人原由部補放乾隆二十六年改為本處考取補放  
綏遠城世龍有三等輕車都尉二員騎都尉二員雲騎尉一員

附俸餉

將軍每年俸銀一百八十兩養廉銀五百八十六兩二錢六分  
粳粟米石折銀六十九兩六錢六分隨甲餉銀米石折銀一百  
七十九兩一錢六分人役工食銀二百八十八兩馬四十四匹  
草豆銀五百六十八兩二錢六分預支草銀一百六十六兩三  
錢二分共銀一千三十七兩六錢六分本色粟米五十七石  
副都統每年俸銀一百五十七兩養廉銀六百兩俸米一百四

十七石二斗五升

每協領一員每年俸銀一百三十兩粳粟米石折銀五十三兩九錢一分馬十二匹草豆折銀一百八十七兩一錢一分預支草銀四十五兩三錢六分共銀四百一十六兩三錢八分本色粟米四十二石

每佐領一員每年俸銀一百五兩粳粟米石折銀三十八兩一錢六分馬八匹草豆折銀一百二十四兩七錢四分領支草銀三十兩二錢四分共銀二百九十八兩一錢四分本色粟米二十七石

每防禦一員每年俸銀八十兩粳粟米石折銀二十八兩七錢

一分馬五匹草豆折銀七十七兩九錢六分二厘五毫預支草  
銀十八兩九錢共銀二百五兩五錢七分二厘五毫本色粟米  
十八石

每驍騎校一員每年餉銀六十兩粳粟米石折銀二十五兩五  
錢六分馬四匹草豆折銀六十二兩三錢七分預支草銀十五  
兩一錢二分共銀一百六十三兩五分本色粟米十五石

每筆帖式一員每年俸銀二十一兩一錢一分四厘粳粟米石  
折銀二十五兩五錢六分馬四匹草豆折銀六十二兩三錢七  
分預支草銀十五兩一錢二分共銀一百二十四兩一錢六分  
四厘本色粟米十五石

每輕車都尉一員每年俸銀一百六十兩

每騎都尉一員每年俸銀一百一十兩

每雲騎尉一員每年俸銀八十五兩其米石馬乾折銀數目均與防禦同

每恩騎尉一員每年俸銀四十五兩粳粟米石折銀二十二兩四錢一分馬三匹草豆折銀四十六兩七錢七分七厘五毫預支草銀十一兩三錢四分共銀一百二十五兩五錢二分七厘五毫本色粟米十二石

每馬兵一名給房二間每年餉銀三十六兩粟米折銀十五兩七錢五分馬一匹草豆折銀二十八兩六錢六分五厘共銀八

十兩四錢一分五厘本色粟米十五石

黃兵一名給房二間每年餉銀十八兩粟米折銀三兩一錢五分共銀二十一兩一錢五分本色粟米十二石

養育兵一名每年餉銀十八兩並無房間米石

綏遠城俸餉馬乾等銀每年分四季由將軍行知歸綏道札委各廳現任佐雜各員赴藩庫請領領回交綏遠廳庫存儲按月支放其兵米由歸薩豐甯托和六廳徵解惟清廳無

以上綏遠城

歸化城土默特 副都統一人載前

左右翼長二人 參領十人

佐領四十八人

驍騎校六十人

兵丁五千名

前鋒二百名 領催三百六十名  
披甲四千四百四十名

土默特弁兵無俸餉馬皆自備均給田有差每名一名種地一頃官弁遞增每春秋二季派撥兵一千名操演為操演營每名月給銀一兩五錢由土默特庫支發

叅領十二員每叅領管五佐領各旗給關防一樑以上各官由該旗蒙古內挑選咨送理藩院帶領引 見遇有處分案件折罰牲畜

土默特印房寓戶司東北隅

詳公署其管理人員係由叅領內派

委一人總理督同兩班章京辦理承發事件



又有兵司戶司操演營三處各設翼長一員頒給關防由十二  
叅領內挑選咨報理藩院其兵司管理命盜鬥毆賭博案件其  
戶司管理戶口田土案件與綏遠城左右司同其操演營則專  
管春秋二季操演兵丁該三處遇有事務仍呈請副都統辦理  
不得自專

以上土默特

### 歸化營

都司一人

歸殺虎口協副將兼轄蘇剗歸化城廳營  
轄歸化薩拉包頭多爾濟清河沁昌六汛

存城汛把總一人

外委把總一人

額外外委一人

本營馬步守兵八十一名

馬兵四名內京塘一名 步  
兵五十七名 守兵二十七名

官例馬十匹

內都司四匹本城薩拉齊色頭各把總均二匹

營馬一十六匹

現除京塘馬一匹實存十五匹

分汛本營管轄塘汛一處

渾津橋

兵房十間

現廢

兵五名

現無

又本城堆子房八處

貼嶽 大十字街 大台前 南柴火市

小十字街 牛橋

東五十家

小君

每處房一間 兵五名

現以兵太火每處祇添一名

又南兩汛

內

清河汛外委把總一人 步守兵十名

管塘汛四處

小黑河 揚刺

麻 愛密裏板 中 二道窰

每處兵房十間

現廢

兵五名

現每塘汛一名

沁昌汛外委把總一人

步守兵十名

管塘汛四處

土城子 頭汛

歸化城廳志 卷之三  
二汛 三汛 每處兵房十間 現廢 兵五名 現每塘  
一間房 汛一名

又西三汛 內

多爾濟汛外委千總一人 兵七名

薩拉齊汛把總一人 兵十六名

包頭汛把總一人 兵十一名

以上本營併各汛馬步守兵共一百三十七名

歲支俸廉兵餉馬乾銀共三千三百七十二兩三錢八分四

厘除減成減平朋馬等銀九百三十八兩三錢四分二厘四

毫實支銀二千四百三十五兩四分一厘六毫

卷查大同鎮冊開乾隆三十年設歸化營由利民營移駐

營冊歸化營原設兵四百零一名內馬兵一百三十名黃兵一百一十二名守兵一百五十九名自乾隆四十七年至光緒二十年歷次奉文裁汰共裁馬黃守兵一百一十四名二十三年三月奉文裁汰步守兵五十六名二十四年奉文裁汰馬黃守兵一百五十名現存今額

附俸餉

都司每年俸銀一百四十一兩三錢八分四厘養廉銀二百六十兩馬四匹每匹馬乾銀一十兩八錢春冬二季月支銀一兩二錢夏秋二季減半共銀四十三兩二錢

把總每年養廉銀九十兩月餉銀三十六兩馬二匹共馬乾銀

二十一兩六錢

外委把總每年養廉銀一十八兩月餉銀二十四兩米三石六斗馬一匹馬乾銀一十八兩八錢

額外外委每年月餉銀二十四兩米三石六斗馬一匹馬乾銀一十兩八錢

馬名一名每月餉銀二兩米三斗馬一匹歲支馬乾銀一十兩八錢

步兵一名每名餉銀一兩五錢米三斗

守兵一名每月餉銀一兩米三斗

每年從藩庫領回俸餉馬乾等銀隨時寄貯綏遠城廳庫

664783



文員按月支放

其本色米由朔平府右玉縣倉領支兵丁一百四十五名每名  
三石六斗共合米五百二十二石又由朔平府助馬路領支倉  
穀兵丁五十六名每名二斗二斗共穀一百二十三石二斗又  
由助馬路屬七城堡贍軍地租項下領支本色米兵丁八十六  
名

以上綠營

大同鎮標練軍馬隊第六旗

駐紮可以力更分管吳公壩朔口  
子哈樂爾天和秦天力木圖廠漢場

鵝鳥藍  
不浪

旗官一人  
哨官二人

兵防  
十二

兵夫一百九十三名 兵馬一百五十六匹

大同鎮標練軍馬隊第七旗

駐劄察素齊分營  
台格木畢齊克齊

旗官一人 哨官二人

兵夫一百九十三名 兵馬一百五十六匹

薪公餉銀旗官月支薪水銀四十兩公費銀八十兩哨官月支

薪水銀十二兩馬乾銀六兩哨長月支口糧銀六兩馬乾銀三

兩皆不扣建哨長月支口糧銀三兩六錢親兵護兵並月支口糧銀

三兩三錢正兵月支口糧銀三兩馬夫火夫並月支口糧銀二兩

一錢馬每匹月支乾銀三兩均扣建計馬隊每旗官弁兵夫

一百九十六員名馬一百五十六匹歲支餉銀一萬四千二百

三兩三錢七分就底餉及規復節省各銀兩動支

晉政輯要凡屆冬令合省通衢暨緊要地方由撫標並太大二

鎮練軍馬共十七營分為中南北三路歸化城屬北路按段巡緝自十

月出防至次年二三月撤回歸操 以上練軍

歸化城捕盜營

經制外委一人 額外外委一人

兵丁四十名 營馬四十二匹

歲支餉乾銀一千三百三十一兩四錢

除減成實支銀一千二百二十四兩八錢八分八厘由綏遠

城庫存豐宜甬新地租銀內給發



營冊光緒十年署巡撫奎 奏請仿直隸口北三廳設歸化城  
設兵四十名以外委領之歸廳官節制

附錄原奏 光緒十年六月署巡撫奎 奏為晉邊七廳添設

捕盜弁兵經部議駁擬酌減名數仍請照原奏募練以重捕務  
而靖地方恭摺仰祈 聖鑒事竊照山西口外七廳今昔治

理不同經撫臣張之洞奏奉 諭旨飭部議准改為撫民兼

理事要缺續將一切未盡事宜分列十二條繕單具奏在案旋

經部議分別准駁具奏奉 旨依議欽此咨行到晉查原奏

募練捕盜兵一條兵部議以該處原設有歸化營都司一員把

總二員外委三員薩拉齊廳把總一員豐鎮廳把總一員甯遠

廳把總一員清水河廳把總一員托克托城廳把總一員和林格爾廳都司一員現經總理各國事務衙門奏請裁減各省官兵以裕餉源會同戶部遵議裁減自未便再准添設所有該撫請添千把等弁之處應毋庸議至請添兵丁應令該撫悉心體察如該處馬兵實不可少即於通省各營額兵內擇其精壯酌量移撥分駐各廳所撥兵額於原營內扣除毋庸募補以期餉不加增兵歸實用等因在部臣籌裕餉需方汲汲於議減兵額不准再請添設具有深心惟七廳地方遼廓民蒙雜居遊勇匪徒時虞滋事實與內地情形迥異撫臣張之洞原奏論之甚詳茲臣悉心體察此項捕盜弁兵得力頗多需餉有限似非請照

原奏添設於緝捕仍屬無裨緣該處雖設有武弁而兵額無多  
積弱已久即使於通省額兵內酌量移撥微論綠營習氣大抵  
相同且恐安土重遷亦難應手况晉省現請裁兵改練一經部  
議准行原設弁兵非從刪汰即隸練營規制井然更不能調一  
弁抽一兵致失練軍之用若謂既有練軍則捕盜弁兵可以不  
設而不知練軍專處一路另派將領管帶所以備折衝之用捕  
兵分隸各廳專歸廳員節制所以收緝匪之功且呼應較靈驅  
策尤便平日以之梭巡臨時以之掩捕弭盜防奸非此不濟查  
光緒七年直隸籌邊案內經督臣李鴻章奏請將張獨多三廳  
改為撫民同知張家口協副將率左右兩營移駐多倫廳又調

宣化練軍駐札口外而於張獨多三廳復請增添補盜弁兵一百餘員名專司緝捕經部議准誠以邊外地廣民頑盜風未息若無專制之兵隨時巡緝地方難期綏靖晉邊地勢視直隸較濶而兵力視直隸較單七廳情形既屬相同即應仿照辦理加以歸薩和三廳原設腰撥全行議裁現今接遞伊犁限行公文東西兩路仍復絡繹不絕疊據各該廳具稟以額設驛馬不敷馳遞亦係實在情形如准添設捕盜弁兵仍可幫同遞送是於捕務既有專司而於郵政亦可兼顧因地因時均宜添設惟既經部議駁自應將名數酌減以節餉需臣督同藩臬兩司歸綏道多方籌度擬請於歸薩豐三廳各設經制外委員額外

外委一員馬兵四十名較原奏每廳核減千總一員馬兵十名甯  
和托清四廳亦各設經制外委一員額外外委一員其甯遠廳  
轄境較寬新改驛路仍設馬兵四十名和托清三廳各設馬兵  
三十名較原奏每廳核減把總一員和托清三廳各核減馬兵  
十名統計七廳共設經制外委七員額外外委七員馬兵二百  
五十名所有經制外委每員每年養廉銀一十八兩計七成實  
銀一十二兩六錢餉銀二十四兩樹馬一匹乾銀一十兩八錢  
共銀三十四兩八錢計八成實銀二十七兩八錢四分月米三  
石六斗按北鎮米折之例折銀三兩二錢四分額外委馬兵  
每員名每年餉銀二十四兩馬乾銀一十兩八錢計八成實銀

二十七兩八錢四分局米三石六斗折銀三兩二錢四分七釐  
并兵養廉餉乾米折通共歲需實銀八千二百九十三兩三錢  
二分較原奏共節省銀二千六百九十一兩三錢六分請於費  
甯二廳徵收新地租項下動支此項并兵係歸各廳員節制兵  
丁由該廳挑補額外外委由歸綏道揀拔經制外委由臣衙門  
揀拔其購買馬匹製造旗幟號衣器械以及建造外委衙署兵  
房俱在押荒項下動支事竣核實奏銷六月二十三日奉

旨兵部議奏欽此十二月經部議覆奉 旨依議欽此

附俸餉

經制外委每年養廉銀一十八兩餉銀二十四兩馬一匹兩乾

銀一十兩八錢

額外外委每年餉銀二十四兩馬一匹馬乾銀一十兩八錢  
每馬兵一名每年餉銀馬乾銀均與額外同

以上捕盜營

教場附

綏遠城旗兵教場在綏遠城西門外演武廳七間看教場房二間  
大照壁一座火葯庫在城裏東街火器營每歲春秋二季八旗  
營官帶領兵丁操演兩個月俟將軍閱畢停操秋季演放子母  
砲位在哈喇沁溝應用火葯每歲春秋由將軍委員赴部請  
領回寄儲南門城樓上

土默特教場在歸化城北門外二里許內演武堂三間火藥庫三間看守兵住房二間照壁一座

每歲春秋二季土默特官員帶領兵丁一千名操演一箇月

綠營教場在歸化城北都司營側內演武廳三間將令臺一座廳

西火藥局一所

每歲春秋二季大同鎮總兵來營較閱都司率領弁兵在此操

演其平時操演都司主之

卡倫 附

土默特界內大青山前原設卡倫十一處

斡滾 城北二十里

哈喇沁 距斡滾二十里



鄂奇特 距哈喇沁  
二十里

烏里雅蘇台 距鄂奇特  
三十里

和林格爾 距烏里雅蘇  
台三十里

珂埒庫 城西北  
八十里

特門庫珠 距珂埒庫  
六十里

夏魯第 距特門庫珠  
一百二十里

蘇勒哲 距夏魯第  
六十里

烏達 距蘇勒哲  
五十里

察漢鄂博 距烏達  
四十里

以上十一處乾隆十九年奏設每月輪派土默特官各一員

兵各五名巡防賊匪每年十一月間將軍委派滿營官兵稽

察

大青山後續設卡倫十六處

色爾德恩 哈魯勒

哈拉托羅蓋

哈拉和順

此四處嘉慶十九年奏設每月一處派土默特官一員兵十五名輪流巡緝賊匪官月給銀四兩五錢兵月給銀三兩

翰滾特克

庫特依

特勒木圖

此三處係道光十二年奏將舊設胡雅克圖三卡土默特官兵移駐其翰滾特克一卡與察漢庫圖勒滿洲卡倫按月輪班對調官月給銀四兩兵月給銀三兩

克勒溝

此一處係道光十二年奏設責成土默特公專管每月派台

吉一員阿勒巴圖十名輪流巡緝台吉月給盤費銀二兩阿勒  
巴圖月給銀一兩五錢

哈布塔蓋 沙拉哈達

此二處道光三年奏設每卡月派延壽寺格斯貴一名黑徒  
十名輪流巡緝其月給盤費銀兩由綏遠城旗庫支領

烏蘭胡都克 烏蘭諾爾

此二處道光十二年奏設令延壽寺呼圖克圖自備資斧派  
黑派十名巡防賊匪

莫多心 克彥布拉克

胡雅克圖 察漢庫圖勒

徒

此四處嘉慶二十二年奏設由綏遠城八旗內每處派官一員兵十五名輪流巡緝官月給銀四兩五錢兵月給銀三兩烏蘭察布一盟六旗與土默特接壤共設卡倫十二處

四子部落五卡

達爾漢三卡

茂明安一卡

謹按卡倫之稱近世設關稅嚴稽察者多用之仍以戒私越免偷漏耳紀文達公閱微草堂筆記中曾兩見之一自注曰戍守瞭望之地一曰軍營瞭望之名俱在烏魯木齊等處與此間所設正同蓋要路所經所以巡緝賊匪或移駐或添設

與內地墩鋪畧同而非抽收厘稅之卡也 識畧

武事 附

秦

始皇三十三年斥逐匈奴自榆中並河以東屬之陰山以為三十

四縣 年表作四十四縣

漢

景帝六年 丁酉 六月匈奴入雁門至武泉 景帝紀

武帝元光元年 丁未 十一月衛尉李廣為驍騎將軍屯雲中中尉

程不識為車騎將軍屯雁門六月罷 武帝紀

年年冬遣騎將軍公孫敖出代輕車將軍公孫賀出雲中驍騎將

軍李廣出雁門敖廣失師而還詔將軍已下廷尉使理正之敖

代郡雁門軍士不循法者

武帝紀

二年春匈奴復入寇遣將軍衛青李息出雲中至高闕擊走白羊

樓煩王於河南收河南地置朔方五原郡

帝紀匈奴傳

四年夏匈奴入代定襄上郡各三萬騎殺略數千人

匈奴傳

六年二月大將軍衛青將六將將兵十餘萬騎出定襄斬首三千

餘級還休士馬於定襄雲中雁門 四月衛青復將六將軍絕

幕大克獲

帝紀

元狩三年秋匈奴入定襄

四年春大將軍衛青將四將軍出定襄驃騎將軍霍去病出代各

將五萬騎步軍踵軍後數十萬青至幕北圍單于斬首萬九千

級至闐顏山乃還去病與左賢王戰獲首虜七萬級封狼居胥

山乃還帝紀

太初三年秋匈奴入定襄雲中殺略數千人行壞光祿諸亭障匈奴

傳

宣帝本始元年己酉秋遣御史大夫田廣明為祁連將軍四萬餘騎

出西河前將軍韓增三萬餘騎出雲中雲中太守田順為虎牙

將軍三萬餘騎出五原咸擊匈奴匈奴傳

王莽始建國三年辛未莽大分匈奴為十五單于遣中郎將關苞副

校尉戴級將兵萬騎多齎珍寶至雲中塞下招誘呼韓邪單

于諸子欲以次拜之單于聞之怒曰先單于受漢宣帝恩不可負

卷之三十五 兵防 二十



也今天子非宣帝子孫何以得立遣兵入雲中益壽塞大殺吏民是後單于歷遣左右部都尉諸邊王入塞寇盜殺雁門朔方都尉略吏民畜產不可勝數莽拜十二部將帥發郡國勇士武庫精兵屯守以厭難將軍陳欽震狄將軍王巡屯雲中葛邪塞匈奴傳王莽傳莽遣王况出五原王巡出雲中李翁出西河諸將在前須大家集吏士縱容內郡愁於徵發民棄城郭流為盜賊并州平州尤甚

世祖建武

十年省定襄郡徙其民於西河帝紀

十五年十一月定襄都尉陰承叛太守隨誅之舊志

二十六年令南單于入居雲中轉河東未備二萬五千斛牛羊三

萬六千頭以贍給之始置使匈奴中郎將將兵衛護尋徙居西  
河美稷令西河長史歲將騎三千弛形五千人助中郎將衛護  
冬屯夏罷以為常於是雲中五原朔方北地定襄雁門上谷代  
八郡民歸於本土南單于既居西河亦列置諸部王助為扞戍  
今當千骨都侯屯五原呼衍骨都侯屯雲中郎氏骨都侯屯定  
襄左南將軍屯雁門粟藉骨都侯屯代郡皆領部眾為郡縣偵

羅耳目

帝紀南匈奴傳

明帝永平五帝

壬戌

十一月北匈奴寇五原十二月寇雲中南匈奴

擊卻之

明帝紀

十六年北匈奴寇雲中雲中太守廉范擊破之

帝紀

章和元年丁亥十月北匈奴屈蘭儲卑胡都須等五十八部口二十

萬勝兵八千人詣雲中五原降匈奴傳

建光元年醉鮮卑寇雲中太守成嚴擊之兵敗功曹楊穆以身扞

嚴與俱戰沒鮮卑既累殺郡守控弦數萬騎未幾寇雁門定襄

十一月寇太原通鑑

陽嘉四年乙亥十月烏桓寇雲中遮截商賈牛車千餘兩度遼將軍

耿聘率三千餘擊之不利又戰於沙南斬首五萬烏桓遂圍聘

於蘭池乃發積射士二千人度遼營千人以討之通鑑

桓帝永壽二年乙未七月鮮卑檀石槐寇雲中檀石槐勇健有智略

部落畏服推為大人乃立庭於彈汗山猷池水上去高柳北三

百里盡據匈奴故地東西萬四千餘里網羅山川水澤鹽池兵

馬甚盛

鮮卑傳

嘉平六年八月遣護鮮卑中郎將田晏出雲中使匈奴中郎將臧  
攸與南單于出雁門護烏桓校尉夏育出高柳並伐鮮卑晏等

大敗

帝紀

東晉

北魏

孝武帝太元元年劉衛辰為代所逼求救於秦十二月秦遣行唐  
公潞鄧羗朱彤等將兵擊之以衛辰為鄉導代王使南部大人  
劉庫仁將兵拒戰大敗什翼犍病不能自將乃奔陰山之北秦  
兵稍退復還雲中初什翼犍世子寶早卒寶子珪尚幼繼嗣未

定庶長子寶君遂殺諸弟並殺什翼犍秦兵趨雲中部眾逃

散國中太亂珪母賀氏以珪走依賀訥秦執寶君至長安車裂之

分代為二部自河以東屬劉庫仁自河以西屬衛辰

魏書序紀  
晉書載記

十一年魏道武登國元年八月劉顯弟尤泥迎窟咄以兵來逼魏

南境

窟咄道武之叔父為符堅徙於長安因隨慕容永永以為新興太守

山如賀蘭部阻山為固遣行人安同長孫賀使燕徵師燕慕容

賀麟

案即燕趙王慕容麟

率步騎以隨十月魏主自弩山遷牛川屯於延

水南出代谷會賀麟於高柳大破窟咄窟咄奔衛辰衛辰殺之

魏悉收其眾

十五年魏五年十月魏遷雲中討高車且陳部於狼山破之

魏書  
帝紀

二十一年魏皇始元年三月燕主垂留范陽王德守中山引兵密  
發踰青嶺經天門鑿山開道出魏不意直指雲中魏陳留公虔  
鎮平城出戰敗死收其衆三萬餘人垂至參合見往年戰處積  
骸如山設弔祭之禮死者父兄一時號哭聲震山谷垂慚憤嘔  
血因而寢疾乘馬輿過平城北三十里疾篤築燕昌城而還寶  
等至雲中聞垂疾皆引歸垂至上谷之姐陽卒

恭帝元熙元年魏四年十二月西巡至雲中踰白道北獵野馬於  
辱孤山至於黃河從君子津西渡大狩於薛林山

北魏 北齊

太武帝始光元年

甲子

八月蠕蠕率六萬騎入雲中殺掠人吏攻陷

盛樂帝率輕騎討之虜乃退走

帝紀作攻陷盛樂害楛陽子尉普文率輕騎討之蠕蠕得太宗

崩世祖即位大檀聞而大喜乃寇雲中世祖親討三日二夜至雲中大檀騎圍世祖五十餘重騎逼馬首相次如堵馬士卒大

懼世祖顏色白若衆情乃安

神鹿三年三月雲中河西勒勒千餘家叛尚書劉潔追滅之是

月有白龍二見於代京人家井中 四月行幸雲中敕勒萬餘

落叛走詔尚書封鐵追討滅之

帝紀靈徵志

獻文帝天安四年八月蠕蠕予成犯塞車駕北討京兆王子推東

陽公元丕督諸軍出西道任城王雲等督諸軍出東道汝陰王

天賜濟南公羅烏拔督諸軍為前鋒隴西王源賀督諸軍為後

繼諸將會車駕於女水之濱帝親誓衆選精兵五千人挑戰多

設奇兵以惑之虜衆奔潰逐北三十餘里斬首五萬級降者萬餘人戎馬器械不可稱計旬有九日往反六千餘里改女水曰武川遂作北征頌刊石紀功

延興四年十一月詔西征吐谷渾兵叛軍分配柔元武川二鎮

帝紀

靈徵志

宣武帝正始元年九月蠕蠕犯塞詔左僕射源懷討之懷至雲中蠕蠕遁去懷案視要害之地欲東西為九城及儲糧積仗之宜犬牙相救之勢凡五十八條表上帝是其言隨宜定議設置

帝紀

靈徵志

正光二年八月以蠕蠕河那瓌投化處之吐若奚泉遣沃野懷朔



武川各差二百人令當鎮軍監率給其糧仗送至河那懷所為  
其造構又給朔州麻子乾飯二千斛官駝運送自是蠕蠕國分

為二

帝紀靈徵  
志蠕蠕傳

四年二月沃野鎮民破六韓拔陵聚眾反殺鎮將遣衛可孤攻圍  
武川懷朔二鎮懷朔鎮將楊鈞及統軍賀拔度拔等拒之八  
月勅北道行臺遣使巡檢遭寇之處飢餓不粒者厚加振恤務

令存濟

帝紀  
列傳

五年三月詔臨淮王彧為鎮軍將軍假征北將軍都督督諸軍討  
拔陵四月拔陵陷武川河朔五月彧與拔陵戰於五原敗績詔  
尚書令李崇加使持節開府北討大都督撫軍將軍崔暹廣陽

王深皆受節度又詔崇子光祿大夫神軌假平北將軍隨崇北

討

通鑑拔陵遣別師衛可孤圍武川鎮又攻懷朔鎮將楊鈞擢尖山賀拔度拔為統軍三子允勝岳為軍主以拒之被圍

經年外援不至賀拔勝潰圍出至朔州見臨淮王彧說之曰懷朔被圍旦夕淪陷大王今頓兵不進懷朔若陷則武川亦危賊之銳氣百倍雖有良乎不能為大王計矣或許為出師勝遂復突圍而入鈞復遣勝出現武川武川已陷勝馳還懷朔亦潰勝父子俱為可孤所虜五月或與拔陵戰于五原兵敗魏主引羣臣問計尚書元修義請遣重臣督軍鎮恒朔以捍寇魏主曰去歲李崇求改鎮為州開鎮戶非冀之心致有今日之患然崇十貴咸峻望器識英敏意欲還崇行何如羣臣皆以為然

二月賀拔度拔及武川宇文肱糾合鄉里豪傑襲衛可孤殺之

尋與鐵勒戰敗沒

列傳度拔子勝為軍主拔陵圍廣陽王深於五原勝募方二百人開東門出戰戰斬首百餘

級賊遂退軍數十里深拔軍向朔州勝常為殿宇文肱與衛

可孤戰於武川南河臨陣墜馬子顥與數騎奔救殺數十人賊眾

披靡肱乃得上馬引去俄

而敗賊追騎大至顥遂戰沒

北齊文宣天保六年六月丁亥行幸晉陽壬申親討蠕蠕甲戌諸軍大會於祁連池乙亥出塞至庫狄谷百餘里內無水泉兵軍渴乏俄而大雨七月己卯帝頓軍白道留輜重親率輕騎五千追蠕蠕壬午及於懷朔鎮帝躬當矢石頻大破之遂至沃野獲其俟利等并口二萬餘牛羊數十萬頭俟利郁久問李家提率部人數百降

皇建二年十二月周柱國楊忠帥突厥阿使那末可汗二十餘萬人自恒州分為三道殺掠吏人忠出武川過故宅祭先人饗將士席捲二十餘鎮齊人守陁嶺之隘忠縱兵奮擊大破之又留揚箕秦屯靈邱為後拒

隋

文帝開皇三年四月衛王爽破突厥於白道 五月行軍總管李

晃破突厥於摩那渡口

文帝紀

十九年正月詔僕射高熲出朔州伐突厥熲使柱國趙仲卿將兵  
三千為前鋒遇突厥於族蠡山大破之突厥復大舉而至仲卿  
為方陣四面拒戰會熲大兵至合擊之於乞伏泊復破之追度  
白道嶺踰秦山七百餘里而還

二十年四月突厥達頭可汗犯塞詔晉王廣等擊之太平公史萬  
歲出朔州至大斤山與虜遇達頭引出萬歲馳追百餘里縱擊  
大破之遂北入磧數百里而還

通鑑

隋書卷之五十五 兵防 二十六

唐

貞觀三年八月李靖為定襄道行軍大總管以伐突厥 十一月

并州都督李世勣為通漠道行軍總管華州刺史柴紹為金河

道行軍總管任城郡王李道宗為大同道行軍總管幽州都督

衛孝節為恒安道行軍總管營州都督薛萬徹為暢武道行軍

總管以伐突厥

四年九月剖頡利故地左置定襄都督右置雲中都督二府統之

本紀五行

志突厥傳

十四年七月立李思摩為突厥可汗建牙於故定襄城

通鑑結社率之反言

者多云突厥留河南不便上乃賜懷化郡王阿史那思摩姓李氏立為泥孰俟利苾可汗賜之鼓纛使率其種落還舊部突厥

咸憚薛延陀不肯出塞上賜薛延陀書戒以各守土疆薛延陀奉  
詔於是思摩率所部建牙河北遣趙郡王孝恭濟州書築壇  
於河上而立之突厥傳十五年思摩師衆十萬餘勝兵四萬  
馬九萬匹始渡河建牙於故定襄城其地南大河北白道畜牧  
廣衍龍荒之最壤故突厥爭利之思摩遣使謝曰蒙恩立為落  
長賓望世世為國一犬守吠天子北門有如延陀進逼願入保長  
城詔  
許之

高宗麟德元年正月改雲中都護為單于大都護府以殷王旭輪  
領之初李靖破突厥遷三百帳於雲中城阿史那德為之長至  
是部落漸衆請立可汗以統之上曰今之可汗古之單于也故  
更為單于都護而使皇子殷王遙領之

永隆元年七月突厥餘衆圍雲州都督賈懷哲將軍程務挺擊敗

之  
宏簡  
錄

元宗天寶十四年十二月祿山將高秀巖寇振武朔方節度副使  
郭子儀擊敗之乘勝拔靜邊軍秀巖來攻復大敗之遂圍雲中

德宗建中元年庚申八月振武留後張光晟殺回紇使者九百餘人

通鑑代宗之世九姓胡常冒回紇之名雜居京師殖貨縱暴上  
即位命回紇使者奚董盡帥其徒歸國輜重甚盛至振武留後  
月求資給踐木稼人甚苦之留後張光晟奏請殺之上不許光  
晟乃使副將過其館門故不為禮奚董執之光晟勒兵掩襲並  
羣胡盡殺之獨留二胡使歸國曰回紇謀襲據振武  
故先事誅回紇請復仇上為貶光晟為睦王傅

二年二月乙卯振武軍亂殺其使彭令芳及監軍劉惠光

貞元三年七月奚室韋寇振武

憲宗元和五年六月奚回紇室韋寇振武軍

本紀

八年十月壬辰振武奏回紇千騎至鵬鶻泉庚寅振武軍亂惡李

進賢不恤士卒屠其家轉夏州張煦以代兵二千赴鎮許便宜

擊繼宏簡錄

開成二年七月振武奏党項並突厥各入剽掠節度使劉沔擊退

之紀本

武宗會昌元年八月回鶻烏介特勒奉太和公主告本國為黠戛

斯所攻部落破散欵天德塞天德軍使奏回鶻潰兵侵逼西城

詔振武節度劉沔屯雲迦關以備之通鑑

二年三月遣使冊立烏介可汗河東奏修杞頭峰舊戍以備回鶻

李德裕奏修東中二受降城以壯天德形勢從之八月烏介

率眾過杞頭峰俘掠雲朔等州詔發六鎮之師以劉沔為招討

兵防  
二天



會軍太原以討之 九月振武節度使李忠順及歸義軍李思

忠與回鶻戰敗之

五行志  
通鑑

三年正月烏介侵逼振武劉沔遣麟州刺史石雄帥沙陀朱邪赤  
心三部襲其牙帳自引大兵繼之雄至振武登城望回鶻見公  
主帳遣謀請公主駐車勿動乃鑿城為十餘穴引兵夜出直攻  
可汗帳烏介大驚棄輜重走進軍追擊大破之於殺孤山斬首  
萬級降部落二萬烏介被創走保黑車子族迎公主至雲州

僖宗廣明元年四月以太僕卿李瑑為蔚朔等州行營都統諸葛  
爽為振武節度以副之與李可舉赫連鐸共擊沙陀鐸說降朔  
州將高文集執沙陀將傅文達其酋長李友金米海萬史敬宗

皆降克用自雄武軍引還擊文集可舉司馬韓元紹破之於葯  
兒嶺國昌兵亦敗父子亡入達靼

昭宣帝

天佑

十二年八月契丹阿保機領軍犯邊衆三十萬攻振武

節度使李嗣本嬰城拒戰者累日契丹為大軍地道晝夜急攻  
城中兵備禦罄竭城陷嗣本死舉族入契丹

遼史神冊元年八月按晉朔州橋振

武節度使李嗣本勒石紀功於青冢南十月乘勝而東十一月圍蔚州破之復攻下新武偽儒四州自代北至河曲踰陰山盡有其地案所云振武軍即唐之單于府也自為契丹所破後唐始別置軍於朔州遼史謂振朔州因後來振武軍在朔州牽誤實則是秋大舉未嘗踰雲應而南也五代史紀契丹寇蔚州執振武節度使李嗣本尤誤茲據薛史正之

十七年十月契丹攻天德節度使宋瑤降更其軍曰應天瑤尋拒

命契丹攻陷之禽瑤並其家屬徙天德民於陰山南

宏簡錄

後唐

末帝清泰元年甲午九月契丹寇雲州拔河陰略地至靈邱遼史

後晉

高祖天福五年六月遼振武節度副使趙崇遂其節度使耶律

盡禮以朔州內附遼主命宣徽使裏古只以兵圍之

宋 遼 金

太宗太平興國七年豐州與契丹戰破之獲其天德軍節度使蕭

太

崇宋豐州在府谷界天德軍遼之豐州也

雍熙三年九月重九遼主登高於黑河南阜祭天賜從臣命婦菊

花酒

宋史紀傳遼之帝也

景德一年

遼二十三年二月遼置  
榷場於振武軍遼本紀

仁宗嘉祐三年遼寧清四年三月遼募天德東勝等處勇捷者

籍為軍

遼紀

徽宗宣和四年遼保大二年正月金兵破遼中京遼主北走至鴛

鴛灤聞金兵至遂奔雲中遺傳國璽於桑乾河

三年四月金圍遼輜重於青冢硬塞秦許二王及諸妃公主從臣

皆陷沒遼主遣兵邀戰於白水灤敗績復西遁雲內

六年

遼保大四年  
金太宗天會二年

正月夏梅藩於金金以下寨以北陰山以

南雲中之地二千里界之

太宗天會十年九月元帥右都監耶律余睹及盡約雲軍河東守

郡之契丹漢兒令誅女真之在官在軍者天德知軍偽許之時  
兀室為西監自雲中來燕伺知之事遂敗兀室至雲中余睹微  
覺父子以遊獵為名遁入夏國夏人不納投韃靼韃靼先受兀  
室之命其首領詐出迎具食帳中密以兵圍之余睹出敵不勝

父子皆死

大金  
國志

金皇統九年豐州天德軍節度使升為天德總管府置西北路招

討使以天德尹兼領之大定元年降為天德軍節度使兼豐州

管內觀察使以元管部族直撤軍馬公事並隸西南路招討使

金衛紹王大安三年八月西京留守統石烈胡沙虎及元木華黎

戰於定安敗績元遂陷雲朔豐勝諸州

明

嘉靖三十三年九月諳達復犯山西

本紀 蒐略初叛人趙全印富等以羅亡入獻數誘入寇教之益習

攻戰事並教以制衣鉤竿攻城堡法招集亡命居豐州築城自衛壘水田構宮殿號曰拜牲俺答每入寇必置酒全所問計熟習遂大入荼毒西北越明年復自甯化等處掠太原仍由雲鎮北出本紀五行志

武宗正德三十九年七月劉漢襲諳達於豐州破之

時邊兵積弱寇易之亟近

塞出沒無所忌及是再為漢所挫他鎮亦往往乘間出擣寇始懼漸移其帳本紀

穆宗隆慶四年十一月己丑諳達乞封

十二月諳達執叛人趙

全等九人來獻詔遣柰濟歸厚賜之

把漢那吉者諳達第三子鐵背台吉子也幼失父育

於諳達妻一克哈屯長娶大成比後以不相得把漢自聘襖兒都司女號三娘子即諳達外孫女也諳達其美奪之把漢忿率妻女子來歸巡撫方逢時以告總督王崇古留之大同慰藉甚至崇古念因北制諳達則趙全等可除也借逢時疏聞於朝詔授把

漢指揮使一克哈屯思其孫朝夕哭詣達惠之使使來詢崇古令把漢緋袍金帶見使者詣達喜過望遣使求封並互市崇古以聞帝悉報可詣達遂縛全等十餘以獻把漢既歸詣達與其妻撫之泣遣使報謝誓不犯大同史藁五行志

五年三月封詣達為順義王 六月詣達貢馬 八月許河套部

互市 九月貢市成

帝采崇古及廷臣議賜俺答王印給食用加撫賞河套吉能亦如約詣命授都督同

知崇古乃廣招商販聽令貿易因收其稅以充犒賞其大小部長則官給金繒歲市馬各有數崇古仍歲詣宏賜堡宣諭威德諸部羅拜無敢誣者自是邊境休息數千里軍民樂業不用兵革

神宗萬曆十一年封黃台吉為順義王

外國傳俺答死其妻哈屯率子黃台吉等上表進

馬封台吉為順義王改為乞慶哈本紀

十五年三月乞慶哈子徹里克襲封順義王

本紀

國

朝

康熙三十五年四月

親征噶爾丹大同總兵康調元率所部從大將軍費揚古出西路  
大破賊於昭磨多十月

駕幸歸化城犒賞戰勝官兵

聖武記二十九年六月噶爾丹深入烏闌布通康親王傑書屯  
歸化城要其歸路三十一年五月噶爾丹遣使至歸化城聲言  
入貢男女接踵至者幾二千將軍費揚古遣兵迎詰且遏之  
三十四年噶爾丹入寇至巴顏烏闌明年春

上親征獨石口出中路大將軍費揚古出甯夏西路賊望見  
御營大驚拔營宵遁適西路兵邀之於昭莫多費揚古率左



右翼步騎據小山陣於東餘沿土獵河陣於西奮呼夾擊賊潰敗噶

爾丹以數十騎遁

西征紀略大將軍麾全軍上山布陣令河西綠旗兵居中而京師右衛西安三股滿洲兵

分左右兩翼及戰又令余領甯夏兵千三百人居左威甯衛唐總兵領涼州兵千人居右皆據山為陣其大同鎮兵之後至者皆在山下沿河繞西向北以防林中伏騎會賊爭小山衝中堅氣甚熾勝負未決余因天晚事急使告大將軍曰河邊兵宜令其依柳林而左衝其脇賊已敗又望賊陣後人馬甚盛而不前助戰必其駝畜婦女也宜遣一軍繞南右出賊必返顧擾動然後山上軍迎而奮擊賊之易耳大將軍皆從之

上親撰銘勒察罕拖諾山及昭莫多之山而還次歸化城躬犒勞

西路凱旋之師

皇朝文獻通考康熙三十五年十月自歸化城駐蹕赫圖爾根之南前西路戰勝之右

衛官兵皆至 上親臨賜食引官兵皆令近前坐徧 賜之雖僕從無遺次日復 賜官兵衣銀食物坐馬遣諸

皇子至右衛軍營重 賜茶 酒又撤 御膳分賜官兵

歸化城廳志卷之二

公署 附倉庫

傳曰署位之表也又曰表著之位所以序事也設官分職解字斯建豈徒為觀美哉南面而臨嚮明而治君子所履小人所視凡以崇體制而施政令耳歸化惟廳署置于雍正初年其餘皆乾隆間續建然風高土鬆圯毀最易二百年來屢有繕補昔叔孫昭子所至雖一日必葺其墻屋左氏書而美之誠以一事不苟必能振精勵神百務其舉若以傳舍視之而任其敝漏則於民生國計所關其苟略者必多矣可乎哉至如修倉廩繕府庫以儲兵糈以藏貨財亦守土者所當加意也志公署

綏遠城將軍署在綏遠城鼓樓西北乾隆二年建議略云共房一百八十三間其餘屢次裁汰外見存左右兩司署二所各房十七間協領署五所各房三十八間佐領署十八所內奉文撥給世職官三所留十五所各房二十四間防禦署二十五所內奉文撥給世職雲騎尉五所留二十所各房十九間驍騎校署二十二所內奉文撥給世職恩騎尉二所留二十所筆帖式署二所各房十四間並在綏遠城內

歸化城副都統署在城北門內路西自裁汰兩都統三副都統將本署變價歸款報部乾隆二十七年准工部來咨遷移修補道光二年重修四年改建大門五年添建轅門計凡大門三楹左右鼓

樂樓各一門內大堂三楹左房三間為土默特前鋒營右房三間  
為綏遠城戈什房東西房各三間再進為儀門內北房五楹左右  
耳房各二間東廂房三間西廂房三間儀門之西書房三間大堂  
之東北房三間迤北為馬親共房十二間大堂西為箭道箭亭三  
楹前有抱厦其戶司兵司仍居舊署

今俗名  
議事廳

在北門內路東係雍

正十三年創建大門三楹內東廂房三間西廂房三間左為戶  
司檔房右為漢稿房中為儀門門以內大堂五楹左銀庫右軍  
器庫東西廂房共一十六間為各官辦公所再進二堂三間堂東  
樓三楹存儲案卷又印房三間此外操演營署一所稽察廳署  
一所參領兼佐領署十二所佐領署四十八所驍騎校署六十

所並在城內

歸綏道署在廳治東扎達海河之北乾隆初新建三十七年四十五年屢修嘉慶十八年又修咸豐四年大雨房屋坍塌毀幾盡五年觀察鍾修復之光緒二十年觀察文以廨署多年失修坍塌滲漏不堪棲止並以署後花園八角亭

慈禧皇太后隨父惠公在署時曾經 懿覽亟應敬謹修葺以存

古蹟籌款稟請動工於二十一年竣事計凡甬壁一轅門二東西鼓吹亭各一大門三楹門內東為禮科房西為工科承發科房再北為儀門內東科房五間後有官廳三間南向西科房六間大堂三楹左右庫房各一間堂後為宅門內東門房三間西門房三間

二堂五楹連耳房一間再北三堂五楹東西廂房各三間繞以遊廊羣房共十間東西便門通後花園園中疊石為山山腰墜石笏光潤可愛刻隸書碧霄竇巔建涼廳三楹題曰環翠山房六角亭在山下懸樹滋亭匾即

皇太后幼時豫遊之亭也二堂之東為花廳院花廳五楹周繚以牆遊廊環之院南為庖厨共房五間院後廳三楹祀魁星土地大仙院東為刑幕書房北房三楹左耳房二間後有北房二楹二堂之西啟席書房三間房後為西花廳院書房垣外為馬號馬王廟一楹馬廐三間車庫二間馬夫房共三間草棚一間大堂外列戈什東班西班各房大門外為轎夫鼓手炮手各房

廳署在札達海河之北雍正年間創建光緒四年同知常捐募補  
修十六年門知方創建署後大仙樓餘重修冊卷無考凡甬壁一  
東西轅門各一東轅顏曰蒙民表率西轅顏曰朔漠干城大門三  
楹門東為土地祠西向儀門三楹大堂五楹堂之東為東庫西  
為西庫堂後更夫房二間二堂三楹堂之左書房三間堂之右花  
廳四間東西廂門房各三間三堂五楹左耳房三間右耳房三間  
東西廂房各三間堂後大仙樓三楹左右耳房共四間西廂房二  
間二堂之西為書房院北房三楹左右耳房各一西房三楹左右  
耳房各一二堂後迤東北房三間庖廚房三間稍北為馬號馬王  
廟一楹左右房共五間馬棚四間大堂東列兵戶房西列禮刑錢

糧房儀門外列吏工承發房各班胥役以次列居計宅門內共房七十餘間

教諭署在牛橋街

詳學校

管獄巡檢署在道署東舊筆帖式署也乾隆二十五年改為通判三十年裁汰後設巡檢即居此署重修冊卷無考計凡三堂五楹堂左為大仙廟東西廂房共四間再前二堂五楹東廂房三間西廂房三間堂右北房五間再前為宅門門外大堂三楹堂東北馬棚二間東西役房共八間前為儀門門之西為監獄再南為大門隔道為甬壁大門之東為土地祠正殿一楹右北房三間為巡檢書吏辦公所



分防巡檢署在畢齊克齊鎮

綏遠城理事同知署在綏遠城將軍署東西乾隆二年始建甬壁

一大門三楹門內為土地祠西向儀門三楹大堂五楹西一楹為

西庫東一楹為東庫東耳房為庫科西耳房為糧科東廂房為戶

科西廂房為禮科地今大堂後為宅門內二堂三楹東西耳房各一

間地今東廂房三間西廂房三間二堂後北房五楹東耳房一間西

耳房一間東西廂房各三間轎夫房在大門內班房在大堂西

倉庫大使署在綏遠理事同知署東南乾隆初建甬壁一大門

三間北為大堂堂之後北房五楹東西廂房共三間南房一間稍

西書房三間東庖厨一車庫一馬廐一

都司署在城東北今名營房乾隆三十年建大門三楹前為甬壁門東

為軍牢房門西為號令房進北儀門三楹左房三間東庫三間右

官廳三間西庫三間進北為大堂堂左右房各三間堂後東西房

共四間再進北房五楹左右接耳房東廂房五間後有蔬圃西廂

房三間馬號在大堂東馬神祠一馬棚共十間大堂之西箭亭三

間前有抱厦再西有土地祠箭亭後為書辦房又冊卷房三間

守夜房一間

把總署在都司署西大堂三楹堂左房一間堂右房二間東廂棚

三間西為土地祠前大門一間大堂之後北房三間左右耳房各

一東西廂房共六間署後為外委把總署房六間此外有兵房

院六十四所院建兵房六間共房二百八十四間俱乾隆三十年  
建都司署東廂祀

關聖正殿三楹左右配殿東西禪房廟門三楹為兵丁獻牲酬神  
所嘉慶二十五年都司德凌阿重修廟前樂樓咸豐元年新建

倉庫 附

豐裕倉在綏遠城大使署東南內豐裕民安樂時和百室甯因廩  
慶陳因十五廩盈甯庫在糧餉同知署大堂東西為駐防官員  
兵丁俸餉銀米及各廳錢糧監督稅課總出納地額儲銀二十  
萬五千餘兩米一萬四千一百三十二石一斗二合五勺折銀二  
萬二千六百一十一兩三錢六分四厘由同知照額收銀採買

本色米放給旗兵

軍需倉在歸化城內駝橋街內久安盈恒充裕六厥額儲穀五萬  
一千二百六十石係供支綏遠城官兵口糧之用

識略 動碾支放  
現無儲穀

常平倉在城隍廟側乾隆二十八年新建內蓋藏滿積聚豐六厥

光緒十三年補修滿字厥次年補修豐字厥俱值年鄉耆經理十

六年同知方整修倉神廟官廳圍牆及大門各工十七年同知平

補修蓋字厥二十年同知方補修聚字積字藏字三厥均如舊

式二十年並二十二年先後兵實存倉石穀二萬三千五百九

十七石八斗二升三合一抄二撮

義倉在三賢廟儲穀一千一百一十二石八斗因光緒十八年災

荒賑濟無存

義倉在三賢廟儲谷千一百一十二石八斗因光緒十八年災荒賑濟無存

土默特倉在歸化城內駝橋街內設隆字一廠儲谷二千石係支放副都統衙門俸米並托布拉克台召刺麻口糧及養濟院月米

識略現  
無儲谷

土默特庫在舊都統署大堂東偏內收存房地租銀煤炭稅銀以備春秋祭祀將軍副都統廉俸官學膏火及修補軍器操演公費繕書鋪司台站差使工食併一切賞卹之用

